

Գ. ՍՈՒՆԴՈՒԿՅԱՆԻ ՎՐԱՑԵՐԵՆ ՆԱՄԱԿՆԵՐԸ

Հայկական ՍՍՌԻ Գիտությունների Ակադեմիայի Մ. Աբեղյանի անվան Գրականության Ինստիտուտի արխիվում պահվում են շուրջ 600 վրացերեն նամակներ, որոնց մի մասը գրված է Գ. Սունդուկյանի ձեռքով, իսկ մյուս մասը նրա հարազատների՝ մոր, քրոջ, եղբոր, կնոջ և ուրիշների ձեռքով։

Այդ նամակները պարունակում են չափազանց կարևոր տեղեկություններ տաղանդավոր դրամատուրգի կյանքի վաղ շրջանի մասին և խիստ արժեքավոր են։

Այդ առաջին հայացքից սովորական թվացող նամակների էջերում Գ. Սունդուկյանը ցույց է տվել իր փայլուն տաղանդը, իր գեղեցիկ իղձերը, իր հաճախ դառը, բայց ազնիվ զգացումները, իր մտորումները. այս բոլորը նա հաղորդել է իր հարազատներին, երբեմն զայրույթով, իսկ մեծ մասամբ ապագա դրամատուրգին հատուկ օպտիմիզմով։ Այդ նամակները համեմված են սուր դիտողություններով, ժողովրդական թևավոր ասացվածքներով։

Դ. Սունդուկյանի ձեռքով գրված մոտ երեք հարյուր վրացերեն նամակներից շուրջ 200-ը գրված են Պետերբուրգից և պատկերում են 1846—1850 թ. թ. ուսանող Գ. Սունդուկյանի կյանքը. մնացած նամակները գրված են Դերբենդից, ուր աքսորված էր նա 1851—1857 թ. թ.։

Գ. Սունդուկյանի կյանքը կազմող շղթայի այդ առանձին օղակները պարզ ցույց են տալիս, թե ինչպես նրանց կրողը միշտ ձգտել է մի հիմնական նպատակի՝ լինել ազնիվ բոլոր քայլերում, խարազանել վատը, այլանդակը և ոչնչացնել այն գոնե երգիծանքով, մինչև «ժամանակը կուղղի այն»¹։

Նա իր անզուգական դիտողությամբ, սուր մտքով ու աչքով, իր ժամանակի ուսական կուլտուրայի հզոր ազդեցությամբ չէր կարող չտեսնել կյանքի լավն ու վատը, գեղեցիկն ու այլանդակը։

1846 թվին նրան հաջողվում է գնալ Պետերբուրգ ուսանելու, բայց ոչ իր սեփական միջոցներով, այլ պետական ծախսով, որպես կովկասյան սան. հենց այդ պատճառով էլ Գ. Սունդուկյանի մասնագիտությունը որոշվում է անկախ իր կամքից, անկախ իր ընդունակություններից ու հետաքրքրությունից. Գ. Սունդուկյանին մնում էր ընտրել շարիքներից փոքրագույնը։ Հետագայում նրան շատ է մտահոգում ֆակուլտետը փոխելու և, մանավանդ, կայսերական ծախսից ազատվելու հարցը, որովհետև «... ի՛նչ խոսք, որ ավելի լավ է իմ հաշվին լինեմ, քան թե վերջում կործանվեմ»²։ Գ. Սունդուկյանը նույնիսկ գերադասում է առևտրով պարապել, քան թե ցարական պաշտոնյա լինել, միայն թե կարողանա «... որևէ կերպ պետական ծախսից ազատվել»։ Բայց դա այնքան էլ հեշտ չէր Սունդուկյանի համար, որովհետև «... այս բոլորը հազար վեց հարյուր ութսու կպահանջի, բայց չգիտեմ, ո՞րտեղից. եթե ինձ հարցնեք, ես ոչ փողը կափսոսեմ, և ոչ էլ այս մի տարին, բայց երբ նայում եմ իմ ընտա-

¹ Գրական արխիվ, Գ. Սունդուկյանի ֆոնդ. այս և հաջորդ բոլոր մեջբերումները կատարված են նույն տեղից՝ մեր թարգմանությամբ։

² Նույն տեղում, էջ 9 նամակ Ա, 1847 թ. 3/III, № 9։

նիքին, հիշում եմ Ձեզ, ասում եմ՝ ջհաննամը սրանց գլուխը, ի՛նչ ուզում են թող անեն մեզ հետ, և մտածում եմ՝ ի՛նչ հնարեմ, որ ... մի տարի պակաս մնամ ու շուտով մորս ու իմոնց օգնության հասնեմ...»։ Մի այլ տեղ մասնագիտությունը փոխելու առթիվ բացականչում է «... չգիտեմ, փող հնարողին ինչպե՛ս հայհոյեմ»։

Հացի խնդիրը միշտ կանգնած է եղել Գ. Սունդուկյանի առջև. գրեթե չկա նամակ, որտեղ նա չխոսի գրամի պակասության մասին, իր պարտքերի մասին. հաճախ նա մորն է ուղարկում իր բոլոր ծախսերի հաշիվը, որպես գրավական այն բանի, որ ինքը չի շռայլում, թեև այս բոլոր դժվարությունները, երբեմն նույնիսկ գառը թուլեններ Գ. Սունդուկյանը շղարշում է գեղեցիկ հումորով, որպեսզի իր հարազատները, մանավանդ սիրելի մայրը, շատ չանհանգստանան։

Իր մոր խրատին, որ շռայլ չծախսի, Գ. Սունդուկյանը պատասխանում է՝ «... Ձեր այգ խոսքերը ծիծաղս են շարժում, մայրիկ ջան, ինչ որ շունեմ, ի՛նչը պետք է ծախսեմ»։ Կամ մի այլ տեղ՝ «... իսկապես, զարմանալի է փողի բանը. ինչքան խնայողաբար ես ծախսում, այնքան շուտ է հալվում դրամը»։

Հազվադեպ, բայց և այնպես հանդիպում ենք նաև հուսահատ տողերի. «Ինչքան էլ ես աշխատում եմ լավ նամակ գրել Ձեռ, որպեսզի ոչ մի բանի համար չանհանգստանաք, գուք հակառակն եք անում... Այնպիսի սրտի եմ, որ ուզում եմ Պետերբուրգն էլ թողնեմ, սովորելն էլ... Ես ինչ երկաթե սիրտ պետք է ունենամ, երբ իմանամ, թե՛ Հոփսիմեն քեզ ասում է՝ «Մայրիկ ջան, ես ոչինչ չեմ ուզում, միայն քե Գաբրիելին այնտեղ ոչինչ մի պակասեցնի»»¹։

Չնայած այս բոլորին, Գ. Սունդուկյանը համալսարանը ավարտելուց և կանգի դատական դիսերտացիան հանձնելուց հետո էլ չի ցանկանում վերադառնալ Թբիլիսի և տենչում է մագիստրոսի աստիճան ստանալ. այս ցանկությունը բխում է, ինչպես գրում է նա իր վերջին նամակում, երկու հիմնական պատճառից. նախ՝ որ՝ «աստված այս շնորհքը տվել է, ինչո՞ւ չօգտագործեմ» և մեկ էլ այն, որ «... մտածում էի, կգնամ հիմա, ո՞վ գիտե ի՛նչ պաշտոն կտան, կամ ինչ հարգանք կունենամ, մինչև...» կամ՝ «... հանկարծ կուղարկեն Շամախի կամ այնտեղ որևէ պետական պաշտոնատանը կնստեցնեն»։

Ինչպես տեսնում ենք, Գ. Սունդուկյանին չէր գրավում շինովնիկությունը։

Պատահական չէ, որ Դերբենդում եղած ժամանակ նա զբաղվել է նաև շինարարական աշխատանքներով, կազմել է պրոեկտներ, կառուցել է շենքեր, պատրաստել է ժամացույց և այլն, և այլն։ Հետո էլ իր կյանքը նվիրում է հայ թատրոնին, իսկ պաշտոնը պահում է որպես ապրուստի միջոց։

Դեռևս Պետերբուրգի ուսանող Գ. Սունդուկյանի մոտ ընդգծվում է նրա ռեալիզմը. նա կյանքը տեսնում էր այնպես, ինչպես նա կար. թեև Գ. Սունդուկյանը առիթ բաց չի թողնում Պետերբուրգի մասին իր հիացմունքը արտահայտելու, երանի է տալիս իրեն, որ հատկապես Պետերբուրգի ուսանող է, որ «... այն կրթությունը, որ կստանաս Պետերբուրգի համալսարանում, ուրիշ տեղ երազում էլ չես տեսնի», բայց և այնպես ռեալիստ Գ. Սունդուկյանի խորաթափանց աչքը նույն Պետերբուրգում տեսնում է նաև դրամի գերիշխանությունն ու նրանից բխող կյանքի այլանդակությունները՝ հատկապես բարձր խավե-

¹ Ընդգծումը Գ. Սունդուկյանինն է։ Քրոջ համար անհրաժեշտ էր նախապես օժիտ պատրաստել, հակառակ դիպքում չէր կարող ամուսնանալ, իսկ դա իր ժամանակ ամենամեծ դժբախտությունն էր կնոջ համար։

րում, ուր «... ով լավ է հագնված, հարգանքն էլ նա ունի»։ Կամ «ուր բարեն էլ փողով են գնում»։ Դեռևս ուսանող Գաբրիելը ըմբռնում է ժամանակի լողունգը՝ «փող տու, փառք տամ»։ և մի՞թե այս մորալը չէ, որ հետագայում դառնում է Գ. Սունդուկյանի ստեղծագործությունների անկյունաքարը, պեպոնների ողբերգության աղբյուրը։ Շատ ավելի դառնությամբ է խոսում Գ. Սունդուկյանը հայ բուրժուազիայի մասին, Թբիլիսիի հաստափորների մասին. «... Գուցե թե մի օր էլ գա այն ժամանակը, երբ այդտեղի (Թբիլիսիի) ժողովուրդը ժողովրդի անուն ստանա։ Թե չէ դրանք մարդի՞կ են. միայն անուն ունեն մարդու, իսկ սիրտն ու միտքը վագրի է և ոչ թե մարդու... ինձ ո՞վ կլսի, կասեն, «խիլքեն էլիլ է»։ նորից եմ ասում, գուցե ժամանակը ուղղի»։

Պարզ է, հետագայում արդեն կյանք մտնելով, Գ. Սունդուկյանը ավելի մոտիկից էր տեսնում կյանքը, և ինչ խոսք, որպես իր ժամանակի ազնիվ ու ակտիվ քաղաքացի չէր կարող անտարբեր իր պաշտոններով մեղքավել։ Նա որոշեց թատրոնի միջոցով «ուղղել» կապիտալի ավերածությունները ու այդպիսով մասամբ «փրկել» նրա զոհերին՝ իր սիրելի պեպոններին. չէ՞ որ, ինչպես գրում է նա Պետերբուրգի ռեալիստական թատրոնների մասին դեռևս 1847 թվին. «... թատրոնն էլ մի պրոֆեսոր է, որից շատ բան ենք սովորում»։

Շատ արժեքավոր են Գ. Սունդուկյանի վրացերեն նամակները, որոնք լրացուցիչ նյութ են տալիս նրա ամբողջական, ճշգրիտ ու կենդանի պատկերը կերտելու համար։

Մենք որպես նմուշ բերում ենք այստեղ Պետերբուրգյան վրացերեն նամակներից հինգ նամակ մեր թարգմանությամբ. ըստ որում աշխատել ենք շատ չհեռանալ այդ նամակների առօրյա խոսակցական ոճից։ Վրացերեն տեքստում հաճախ հանդիպող վրացատառ, բայց թբիլիսահայ հայերենով ժողովրդական ասացվածքները կամ իր կողմից գործածված բառերն ու նախադասությունները թողել ենք նույնությամբ՝ առանց թարգմանելու, իսկ անհրաժեշտության դեպքում՝ թարգմանությունը տվել ենք ծանոթության կարգով։ Այդպիսի դեպքերը տեքստում ընդգծված են մեր կողմից։ Կետադրական բոլոր նշանները դրված են մեր կողմից։ Տեքստում երբեմն միտքը լրացնելու համար մեր կողմից ավելացրած բառերը դրել ենք անկյունավոր փակագծի մեջ՝ []։

Մ. ԻՍՐԱՅԵԼՅԱՆ

Ա.

Պետերբուրգ, 1847 թվի մարտի 3-ին. № 9.

Շատ սիրելի և բանկազին¹

մայրիկ ջան.

Սիրով վիզդ համբուրելով բարևս եմ ուղարկում. նույնպես և իմ սիրելի Միքայելին և Հռիփսիմեին² Այնուհետև, մայրիկ ջան, ես շատ լավ եմ, ուրախ. իմ արևը [վկա], մայրիկ ջան, Շիշտ եմ ասում՝ երանի նրան, ով առանց Պետերբուրգը տեսնելու չի մնա. ինչպես արծաթի կտորը ձգես ոսկեջրում և առանց որևէ ջանքի ծածկվի [ոսկով], այնպես էլ Պետերբուրգը այնպիսի մարդու համար, ում խելքը մի քիչ կտրում է Մայրիկ ջան, Ձեզ ճիշտն ասեմ, շատ եմ ցավում, որ Միքայելը այստեղ չէ, բայց այդպես և այդ գիտությունը այստեղ լինի, ի՞նչ կարող է անել. ի՞նչ ասեմ [նրան], որ սովորել չցանկացավ. Ո՞վ է ասում, որ նա չինովնիկ դառնա, էլի թող առևտրական³ լինի, բայց գոնե գիմնազիայի լրիվ կրթությունը ստանա, այստեղ այն պատիվն ու գիտելիքները, որ ունեն առևտրականները, այդտեղ չունեն խորհրդատուներն ու նախագահները՝ եթե աստված օգնի և պետական ծախսից որևէ կերպ ազատվեմ, գուցե թե դասընթացը ավարտելուց հետո ինքս էլ այդ արհեստին հետապնդեմ. Մայրիկ ջան, Միքայելին խնդրում եմ, թե խելք ունի, կրթությանը հետևի, թե չէ հետո կփռշմանի. թող մեկ մտածի, եթե երբևէ մեկ-երկու կանոնավոր մարդկանց խմբի հանդիպի, հո պետք է բերանը բաց մնա. Բացի այդ, կարճ ժամանակից հետո այդտեղի բոլոր առևտրականները չափազանց կընկնեն. կարծում եմ, դուք էլ գիտեք, որ այդտեղ արտասահմանյան մաքուր թեթևացրին, այդ պատճառով էլ Ձեզ մոտ ապրանքը ավելի էժան կլինի, քան այստեղ, բայց ո՞վ հնարավորություն կտա այդտեղի անխելք առևտրականներին. մեզ մոտ ընկերությունը փակվեց. երկու կամ երեք ամսից հետո Չեովերիկովը կգա այդտեղ և մի քանի խանութ կբացի. հետո թող գնան Ձեր առևտրականներն ու ձեռքերը կամ ծոցը դնեն և կամ գրպանը ու մանրավաճառներ դառնան. ինչ խոսք, ով կրթված է և գիտե, թե ո՞ր երկրում ի՞նչ է ստացվում, նա առաջինը կգնա կգնի, կբերի ու ուրիշի տակ էլ չի մնա. Բայց այսպիսի առևտրականներ, կարծում եմ, մերոնցից (թրիխսեցիներից) քչերը դուրս կգան. ա՛յ, Միքայել ջան, այս ամենի մասին պետք է մտածես, և եթե խելք ունես, սովորի՛ր ոչ թե արշին բռնելը, այլ գիրք ու գիրք. ինչ որ է, ամենը այդ օրհնած ու անիծած գիրքն է.⁵ Ես ասում եմ, ինչ նման դասընթացը⁶ ավարտած լինեիր (չկարծես թե փրվում եմ).⁷ այստեղ մի լավ առևտրականի մոտ կտեղավորեիր ու կարճ ժամանակում մարդ կդառնայիր. Սակայն, Միքայել ջան, դեռ հույս ունեմ քեզանից, որ թըշնամու սրտով չես լինի. Դու այդտեղ աշխատիր, ես՝ այստեղ, գուցե քեզ համար մի քան կարգավորեմ:

Սիրելի մայրիկ ջան, եթե մեր մասին կցանկանաս տեղեկանալ, հետևյալը պետք է ասեմ, մեր կրթությունը դեսպանորդների ուսում է, կոնսուլների կրթություն, սակայն մեզ այդտեղի չինովնիկության համար են պատրաստում, իսկ մենք՝ վեցս, ուրիշ ենք և դժվար կխարեն մեզ. Դիմնագիայում ուրիշ աշակարտներ ենք եղել, համալսարանում էլ ուրիշ ուսանողներ կլինենք:

¹ Շատ սիրելի և շատ թանկագին գրելու փոխարեն սխալմամբ գրում է՝ ոչ սիրելի, ոչ թանկագին. հետագայում այդ սխալը ուղղում է:

² Ի. Սունդուկյանի եղբայրն ու քույրը:

³ Դործ է ածել ռուսերեն күпец բառը:

⁴ Կիրառված է советник և начальник ռուսերեն բառերը:

⁵ Մի այլ նամակում խորհուրդ է տալիս Խորոքը լավ ռուսերեն սովորել:

⁶ Խոսքը միջնակարգ (գիմնազիայի) կրթության մասին է:

⁷ Փրվել, այստեղ նշանակում է հպարտանալ, գոռողանալ:

⁸ Ինքը և իր հետ Պետերբուրգ զննցած հինգ վրացի ընկերները:

Երկու անգամ համալսարանի խորհրդին բողոք ներկայացրինք, հրկու անգամ էլ կոմիտետին¹ թե՛ «... եթե մեզ չինովնիկություն համար եք պատրաստում, խնդրում ենք բոլորիս փոխադրեք իրավարանական ֆակուլտետ (որտեղ միայն օրենսդրություն են սովորեցնում)», եթե ոչ, այնտեղի չինովնիկների համար ի՛նչ կարիք կա արարեբեների, տաճկերենի կամ պարսկերենի: Այս խոսքերի վերաբերյալ բոլորը սուացին թե՛ ճիշտ ենք ասում, բայց և ոչինչ չկարգադրեցին: Մենք, սակայն, նրանց ատամի լմարդ չենք. եթե չեղավ, այսօր Բուսկովի մոտ էինք (Արղանովը գիտի, թե ով է) և ասացինք, «եթե ոչնչով չեք օգնելու մեզ, մենք այլևս չենք ցանկանում կայսրության հաշվին սովորել և ինչքան ծախսել եք, ե՛տ ստացեք» ինչ խոսք, որ իմ ծախսով սովորեմ, ավելի լավ է, քան թե վերջում կործանվեմ: Տարվա մեջ երեք հարյուր ուսուցիչ բավական է, բայց դուր դեռևս մի՛ մոխյավեք փողի համար, գուցե որևէ բան կարգավորենք: Մի՛ մտածիր, մայրիկ ջան, երեք տարուց հետո Ձեր գրկումն եմ. մայիսի 2-ին քննությունները կսկսվեն և Ձեր աղոթքով, հույս ունեմ² շատ այդպիսի մայիսներ եմ տեսել:

Մայրիկ ջան, ինչպես դրել եմ Ձեզ, անցյալ շաբաթ Աննա Գարրիելովնա[ից] ստացա տաս ուսուցիչ. ընդամենը ունեմ երեսունհինգ ուսուցիչ, որից երեք ամսվա դաշնամուրի փողը պետք է տամ: Ութ ուսուցիչ Մելիքովից եմ պարտք արել. հիմա պետք է զատկի համար սերթուկ և շալվար կարել տամ, բայց այդքան [փող] չունեմ: Աստված վկա, մայրիկ ջան, այս հագուստով ամառում եմ, որ դուրս եմ գնում, իսկ ընկերներս էլ ասում են՝ «բանի Գիմնազիայումն էիր, վայելուչ էիր, հիմա այնպես ես քարշ գալիս, կարծես թե ինքդ քեզ ատելի ես դարձել»:

«Աղվեսը պոչը վկա բերեց»³ Իսկապես, մայրիկ ջան, այդ պատճառով գրեթե եկեղեցում էլ թաքնվում եմ կամ Բուսկովից կամ Խուդաբաշովներից, թե ինչ է, այնտեղից տուն շտանեն ճաշի: Այն էլ դիտցեք, որ առավոտից մինչև երեկոյան ժամը 8-ը միշտ պետք է հագնված լինենք. այս մեկ սերթուկը օրվա⁴ սերթուկ էլ է և շալվարն էլ⁵:

Ձեր Գարրիել

Մայրիկ ջան, այսօր Աննա Գարրիելովնայի մոտ էի ճաշի: Նրա տների ու ճաշի կարոտը չէի, բայց շատ խնդրեցին, ես էլ գնացի, գինի գնեցին, ձկնկիթ բերին, լավ պատվեցին ու քեզ բարև ուղարկեցին:

Ասացին, որ շուտ-շուտ գնամ-գամ օմեր որդին ես: Ես էլ գլխով եմ անում ու շնորհակալություն հայտնում (ինչպես Միկոն է անում, երբ մորաքույրը որևէ բան է խնդրում). նրա մոտ ի՛նչը պետք է ինձ վազեցնի, այնքան ժամանակ էլ չունեմ, որ գեներալների հետ շրջեմ: Երեկ համալսարանում համերգ կար ե իսկույն Մենշիկովի(*)⁶ աղյուստանտի հետ ծանոթացա, հո գիտե՛ք, այսպիսի բաներում ուրիշ [տեսակ] ասող ունեմ: Սիրով բարևեք պապին, մորաքրոջը, Ղազոյին, Յագորին, Թովկային, Միկոյին, Թինային, Բասիկելին, Անգրեին, Բազարի(կիկե)կելային, տեր Օհանեսին բարևեք ձեռքը խնդրելով:

Մայրիկ ջան, դաշնամուրից բացի, հունվարի 13-ից մինչև այսօր մարտի 2-ը ութ ուսուցիչ և 50 կոպեկն է ջրի ջանն ու փառը:⁸

Մայրիկ ջան, թատրոն գնալն արգելում եք. նախ որ ամսվա մեջ շատ գնամ, երեք կամ չորս անգամ և երկրորդն էլ որ թատրոնը ժանպոլի կոմեդիան չկարծեք, կամ թե չէ այդտեղի թատրոնները. թատրոնն էլ մի պրոֆեսոր է, որից շատ բան ենք սովորում:

Մանավորություններ -- Մայրիկ ջան, գրեք, թե մեր ողու քնակչի ժամանակը չլրացավ կամ իր պարտքի դիմաց հաշիվը ինչպե՛ս մաքրեց⁹:

¹ Բնագրում կոմիտեթ րառը ջնջված է և ծանոթության կարգով էջատակը գրված՝ ռազմական մինիստրի գրասենյակին:

² Ուզում է ասել. «հույս ունեմ, որ քննությունները հաջող անցնեն»:

³ Ավելացված է տողի վերևից:

⁴ Ցերեկվա իմաստով:

⁵ Նախադասությունը անավարտ է. ուղղում է ասել, թե այդ սերթուկն ու շալվարը իր միակ հագուստն է, որ հագնում է բոլոր դեպքերում:

⁶ Իրր համաձայնության նշան:

⁷ Մենշիկովը մինիստրի չափ ձայն ունի, իսկ ինքը ծովակալ է (ծանոթ. Սունդուկյանին է Մ. Ռուս.):

⁸ Նշանակում է՝ գրպանի ողջ ուժն ու ճոխությունը. բնագրում գրված է վրացերեն տառերով, բացի վերջին ր տառից, որ վրացերենը չունի:

⁹ Առաջին էջի ցածի եզրին մանր գրված երկու տող:

Թալիկոյին, նրա մուր, տատին, բույրերին բարեք. Թալիկոյին ասացեք ողջութիւն, ողջութիւն¹

Ձեր փետրվարի 10-ին գրած նամակը ստացա անցյալ ամսի 25-ին²

Բ.

Պետերբուրգ, 1847 թվի ապրիլի 4-ին, N 13.

Շատ սիրելի և բանկազին մայրիկ ջան.

Ներեցեք, որ այսքան ժամանակում կարգին նամակ չկարողացա գրել, բայց գիտցեք, որ մարտի 28 (N 12)-ին մի փոքրիկ գլուխդուն Սարաջովի նամակի հետ ուղարկեցի և, բացի դրանից, մարտի 31-ին էլ մի երկտող մի նամակով նամակով ուղարկեցի:

Մայրիկ ջան, իմ մասին եթե հարցնեք, փառք աստծու, լավ եմ և ուրախ. մեքիս ցավն էլ գրեթե սնցավ. միայն այն ժամանակ է ցավում, երբ երկար գլուխս կախ տխուր նստում եմ: այսպես, ինչ խոսք, ով էլ լինի, նրանն էլ կցավի. բժշկից սակայն այն դեղն ունեմ, որ ոտքով շատ ման գամ. սա էլ, մայրիկ ջան, գրպանի խնայողութիւնն է, սրան կսազի, որ ասենք՝ համ ջանին շան է. համ՝ ջիբին:3

Մայրիկ ջան, շուտով մեզ մոտ բնութիւնները կսկսեն և դրա համար էլ, խնդրում եմ, որ ներեք ու շանհանգստանաք, եթե մինչև հունիս անկանոն գրեմ:

Մայրիկ ջան, երեկ չէ. առաջին օրը սերթուկի ու շաւվադի չափը վերցնել տվի. այդ բոլորի համար դերձակի հետ պայմանավորվեցինք 11.500⁴ ռուբլի: Մայրիկ ջան, լավ գիտեմ, որ կասեք թե՛ «էն տղեն ի՞նչ է գծվի». չէ, մայրիկ ջան, այդպես չէ. հենց այդ պատճառով էլ ինքս այսքան ժամանակ չէի կարել տալիս, բայց այլևս հնար չկար: Մենք այդտեղ ասում էինք՝ «Սխալ մանեք ձեռնամուգդ ի՞նչ խաբար է»:5 Հիմա այստեղ պետք է ասենք, թե՛ «տասն ու օխտ մանեք ձեռնամուգդ ի՞նչ խաբար է»: Ճիշտ է, կարելուն էլ ի՞նչ գովք է ուղում, բայց ես նրանց համար տասնուօխտ մանեթ շունեի (սրանք այնպիսի դերձակներ են, որ նրանց կանայք կառքերով են ման գալիս): Այս ու այն կողմ ընկա, մեկ տաս ռուբլիանոց դերձակ գտա. ճիշտ է, սա նրանց նման չի կարող կարել, բայց, ինչ անիմք, այս անգամ այսպես լինի, իսկ հետո, թե կենդանութիւն կլինի, տասնուօխտ ռուբլիանոցներին կարել կտամ: Սա իսկապես այն է ստացվում, որ՝ կատուն երշիկին յհասավ ու ասաց՝ այսօր ուրբաթ է (պաս է): Դավրիշովին ասացեք, որ երբ կգամ, հենց առաջինը իրեն կարել կտամ հագուստեղենն ու վարձը տաս ռուբլի կվճարեմ: Իմ սերթուկի ծախսը այս է. երեք արշին մահուդին՝ 36 ռուբլի, մեկ արշին և տրիկոյին շաւվարի համար՝ 28 ռուբլի (մայրիկ ջան, շատ չթվա. այստեղ տրիկոններ կան, որոնց միայն արշինը 35 ռուբլի է). կարելու վարձը և մնացած մանր-մուկը բաներին՝ 45 ռուբլի տվեցի. ժիլետկան առայժմ մնաց:

Մայրիկ ջան, մեծ մարդկանց հետ ծանոթացա և չգիտեի, որ դրա համար մեծ փողեր կը պահանջվի. այստեղ ով լավ է հաղնված, հարգանքն էլ նա է վայելում. ահա ժամացույց գնելու ցանկութիւնն էլ ունեմ, բայց չգիտեմ թե՛ «վուր ծառն իս քսի տալի»:7 Ապա ինչպես կլինի, որ այսպիսի մարդկանց մոտ ուսանողը այնպես չգնա, որ գլուխը օժանելիքով չբուրի ու քաշկինակը՝ դուխիով. հագուստը առաջնակարգ դերձակի կարած չլինի. նոր մոդայի ժամացույցը ծոցագրպանից չհանի ու ոսկե շղթան կոճակների հետ չվառվու. միշտ մաքուր ձեռնոցներ հագած շունենա: Այս դեռ բոլորը չէ. կարճ ժամանակից հետո սեղան կրացեն առջեղ. «ապա, ցանկալի» է թղթախաղ⁸ (այս խոսքի համար հո շատ անգամ եմ կարմրել), պետք է ճինգ

1 Վերջին էջի վերևից, տեքստին հակառակ ուղղութիւնով:

2 Առաջին էջի վերին եզրին:

3 Ե՛վ մարմինն է օգուտ, և՛ գրպանին:

4 Թիվը կատակով չափադանցված է և գրված է վրացական տառերով (հճԾ)՝ սկզբից թուման (ՊՅ) նշանով, այսինքն՝ 1150 թուման:

5 Յոթ (տասներկու) ռուբլի վարձատրութիւն, ի՞նչ խաբար է, շատ—շատ է:

6 Գիրառված է կիլիկալիստուրներ բարրառային բառը, որ մոտավորապես նշանակում է՝ զանազան օյինքագութիւններ:

7 Այսինքն թե՛ ի՞նչ միջոցներից:

8 Գրված է վրացերեն տառերով՝ ողեսերեն՝ «а ну, угодно-ли вкарти?».

բուրլու շափ կամ շանես, կամ տանուլ տաս. ի՞նչ խաբար է... ոչ մի բան, ժամանակ են անցկացնում: Բացի սուանից ինչպե՞ս կարելի է, որ ուսանողը լավ պարել չիմանա. բացի դրանից մեկ էլ տեսար կասեն. «Կաղը կամ մյուս օրը գնում ենք պարանանդես կամ հավաքույր, դու էլ ուսնեցե՛ք...». օ օ օ, ամոք չէ՞, որ ուսանողն ասի՝ չեմ կարող. չի լինի, մեկ-երկու ուրիշ էլ սրա համար կզնա: Ահա, մայրիկ ջան, այստեղի կյանքը. այս տողերը ընդգծեցի այն պատճառով, որ յուրաքանչյուրի բերանից այս է դուրս գալիս: Ես առաջ էլ գրել եմ ու հիմա էլ [գրում եմ]. մասնակց, մայրիկ ջան, եթե այսպիսի դեպքեր պատահեն, ի՞նչ անեմ, կամ ի՞նչ կլինի իմ վիճակը, եթե ասելի թե՛ ես թուղթ չեմ խաղում. հո չեն ասում՝ «Սա ինչ լավ բան է անում, որ չի խաղում, իր գործին ուշադիր կլինի», հենց իսկույն ժիժաղում են ու ասում թե՛ էջ մարդ է, կամ թե չէ ասում են. չեթե կարողություն չունեն, մեզ նման մարդկանց ինչո՞ւ է ճանաչում: Ի՞նչ եք ուզում, ուսանողը այնպես է այստեղ ընդունված, ինչպես պաշտոնյա: Շատ անգամ այնպես կպատահի, որ թագավորն ու ուսանողը միևնույն պարահանդեսում կլինեն: Այս բոլորը փողի գործերն են: Փուղ տու, փառք տամ:

Մայրիկ ջան, սիրով բարեբք պապին, Թումկային, Յագորին, Ղազոյին, Միկոյին, մորաբրույր, Թինային, Անդրեյին, Բասիկելին, Ազարիային. նմանապես՝ Բարբառե հարսին,¹ Թաքո հարսին, Յագոր փեսային, հորեղբորը, աղջիկ Մարթային, նրա Կեկելին ու Մարիկոյին, Հակոբ, Արտեմ և Միքայել Իվանիչներին նաև Դավիթ հորեղբայրին և Կարապետ ու Գիորգի Դավիդովիչներին. Քարտաշանց, հորաբույրանց Հովնան քիռուն ու Մագդային, Սոֆյա հարսին, Թաթև հարսին, Մարթա հարսին և բոլորին. նաև բժիշկ աղային, Զորարյաններին. հավատացե՛ք ժամանակ չունեմ, որ բոլորի անունները մեկ առ մեկ գրեմ, միայն խնդրում եմ, որ դուք մեկ առ մեկ իմ կողմից բարեբք [Բարեբք], նաև Թումշա քեռիկնց (Միքայել ջան, իմ փոխարեն Մելքոն քեռու վզին պինդ փաթաթվիր ու մի լավ համբուրիր. նույնպես և Սոֆյա հարսին ձեռքը համբուրելով բարեբք: Մելքո Ստեփանիչ, աստված վկա, որ այս տողերը գրելիս աչքերս արցունքով լցվեցին. թե ինձ սիրում եք, շուտ-շուտ մեր տուն գնալ-գալ ունեցեք և ինձ Ձեր նախկին արժանի դարձրեք ու Ձեր մասին հայտնեցեք. հետո ես էլ կգրեմ և կհայտնեմ թե Ձեզ ինչքան եմ սիրում ու կտեսնեք, որ իմ նկատմամբ ունեցած Ձեր հոգատարությունը չեմ մոռացել. Ձեր փոքր և խոնարհ եղբայր Դարբիս Սունդուկով):

Այնուհետև, մայրիկ ջան, դերձակ Պանին և Յասոյին սիրով կբարեբք. Յասոյին ասեք թե ինչո՞ւ մի փոքրիկ նամակ չի գրում. այժմ ցտեսություն մինչև երկրորդ նախակը և, եթե սիրում եք, գոնե շաբաթը կամ տաս օրը մեկ՝ նամակ գրեցեք:

Ձեր խոնարհ որդի Գաբրիել Սունդուկով-

Մակադրություն.— Սողոմոնը զայրացած է ինձ վրա. նամակ եմ գրում, բայց պատասխան չի գրում. մի այդտեղից գոնե հայտնեցեք նրա մասին. Ստեփանին և Նիկիչին մյուս շաբաթ կգրեմ:³

Գ.

Պետերբուրգ, 1847 թվի ապրիլի 11-ին, № 15.

Ուրբաթ օրն եմ գրում

Շատ սիրելի և բանկադին մայրիկ ջան.

Զատիկ օրը գրած ձեր նամակը ստացա այս ամսի 9-ին. զատիկը շնորհավորելու համար շնորհակալություն եմ հայտնում. նույնպես և Միքայելին ու Հովսիսիմին և բոլոր նրանց, ում անունը գրած էր ձեր նամակում, իսկ երկուսին՝ տեր Օհանեսին և տեր Սահակին, հատուկ շնորհակալությունս եմ հայտնում. նրանց պատարագի շնորհը լինի ձեզ օգնական և ձեր որդիներին, ձեր եղբայրներին, ձեր սիրելիներին ու բարեկամներին և բոլորին՝ խաղաղությամբ ամենեցուն: Ի՞նչ անեմ, Յագոր Զախարիչը այստեղ պետք է լինի, որ լավ օրհնի ձեզ:

Մայրիկ ջան, երբ ես լուրջ նամակ եմ գրում իմ գործի կամ ուսման մասին, խնդրում եմ պատասխանը շուտ ուղարկեք ու կանոնավոր պատասխան գրեք և ոչ թե ասեք՝ «ձեռ մաքրի»

¹ Զուլո թարգմանում ենք ճառք բառով: Նշանակում է հորեղբոր կին, բայց այդպես և ոչ ում նաև եղբոր կնոջ, քեռու կնոջ և այլն:

² Այս նամակի 3-րդ թերթիկի վերջին էջը ուղղված է քրոջը՝ Հովսիսիմին, որ այստեղ չենք բերում:

³ Նամակի առաջին էջի վերին ձախ անկյունում:

3-ին գրած նամակը ստացա. շատ բան էի գրել, բայց չգիտեմ, ինչ գրեմ. որոշեցի, որ լեզունեից հրաժարվես և կայսերական ծախսով օրենհենքը սովորես: 1 Շատ լավ եք ստում, մայրիկ ջան, բայց ինձ չեն թողնի, որ լեզունեից զուլս ազատեմ և ուրիշ ֆակուլտետ տեղափոխվեմ: Ես այժմ ձեզանից լավ գիտեմ ու ամեն ինչ տեսնում եմ, թե ո՞րն է լավը և ո՞րը վատը, բայց փող հնարողին, չգիտեմ, ինչպես հայհոյեմ: Արշանովը հո իզուր չէր ասում, թե՝ «դու բո ծախսով գնա, ավելի լավ է»։ Նրա խոսքը երբեք իզուր չի եղել: Հիմա, մայրիկ ջան, եթե ուրիշ ֆակուլտետ տեղավորվեմ, նախ այս, որ ինչքան ինձ վրա ծախսել են, ետ կպահանջեն, երկրորդ, պետք է այս տարին կորցնեմ, որովհետև ուրիշ ֆակուլտետում նորից առաջին կուրսից պետք է սկսեմ, բացի դրանից, տարվա մեջ երեք հարյուր ուրբի հազար կրավարարի. այս բոլորը մոտ հազար վեցհարյուր ուրբի կնստի ու չգիտեմ, թե որտեղից. քե իմ խելիքն եմ հարցնում, ես ոչ փողը կափսոսեմ, ոչ էլ այս մի տարին, բայց երբ իմ ընտանիքն եմ նայում ու ձեզ եմ հիշում, 2 ասում եմ. ջհաննամ: 3 սրանց զուլսը, ինչ ուզում են թող անեն մեզ հետ ու մոռնում եմ, թե ի՞նչ հնարեմ, որ ինչքան էլ այստեղ պետք է լինեմ, նրանից մեկ տարի պակաս մնամ և շուտ մորս ու հարազատներին օգնության հասնեմ, և կամ՝ ի՞նչ հնարեմ, տարվա մեջ, պետական ծախսից բացի, որ ես հարյուրհիսուն—հարյուրութսուն ուրբի եմ ծախսում, որե՛կ կերպ հիսուն ուրբիով անցկացնեմ: Մայրիկ ջան, ա՜հ իմ մտորումները, բայց ի՞նչ անեմ. ո՞վ կլինի այն խելագարը, որ մի երկու հազար ուրբի կապի ու ինձ տա. ես էլ իմ հետաքրքրության ետևից ընկնեմ և ոչ թե ուժով բան ուզեմ: Իմ վրձակը այնպես է, ինչպես որ գետի ճանապարհը Շաղինյանների քարվանսարայի մոտ կապեն ու ասեն, թե՝ «հիմա Մախաթի կողմը ուղևորվիր»: Դուք էլ լավ գիտեք, թե ես երկրաչափությունն ու հիմնաքաղաքաբանությունը 4-ն ամեն մարդու գործ չէ, իսկ ինձ համար հենց հիմնաքաղաքաբանությունն է: 5 ինչպես եմ սիրում և գիտեմ, որ այդ ֆակուլտետում շատ ուռաջ կգնայի, բայց, ի՞նչ անեմ, ես էլ գետի նման պետք է Մախաթի կողմը ուղղեմ ճանապարհս:

Մայրիկ ջան, Անդրոնիկովին այդ նամակը ձեզ մոտ կարդացնել տվեք և կհասկանաք մեր վիճակը:

Սիրով բարևեք պապին, տեր Օհանեսին, մորաբորոջը, Յագորին, Ղազո և Միկիտ Զախարովիչներին, Թինային, Բասիկելին, Անդրեին, Մելքո Ստեփանիչին և հարսներին՝ Թաքու և Սալոմե հարսներին առանձին, Թաթելա և Մարթա հարսներին առանձին, Բարբառե և Նրանց հարսներին առանձին, երկու Սոֆյա հարսներին էլ առանձին. այս ինչպես հարսները չորս գծով են գալիս իմ սրտում... 6 սրանից հետո որ գրեմ չորս տեսակ հարսներին բարևեք, դուք հասկացեք:

Սիրով համբուրեք Միքայելին և Հովսիսիմին. Միքայել ջան, խանութին ուղադիր եղիր և մտքումս լավ անդիր արա, թե մի բան մի ժամանակ ինչպես վաճառվեց ու մի ուրիշ անգամ՝ ինչպես, կամ օգուտը ինչ էր, կամ՝ ես ինչ գիտեմ, դու ես խանութում, քո գործը գու ավելի լավ պետք է իմանաս. ուրիշներին մի հետևի: Դործի ժամանակ գործիդ զգաստ կաց, իսկ քեֆի ժամանակ էլ լավ քեֆ արա: Մայրիկ ջան, այդպես էլ սիրով բարևեք բոլոր բարեկամներին, բոլորին մեկ առ մեկ. նաև Յասոյին:

Մայրիկ ջան, երեկ (հինգշաբթի) առավոտյան երազումս այդտեղ էի, իբր գատիկ էր ու թնդանոթների ձայն էի լսում. աչքերս բացեցի (ժամը 5-ը կլինեք), տեսա վոր համալսարանը թնդանոթների ձայնից սասանվում է. հետո, առավոտը իմացա, որ ժողովուրդը տղա է ունեցել... այս էլ ձեզ նոր լուր...

Եթե ցանկանում եք այստեղի եղանակի մասին իմանալ, տաք օրեր են սկսել, ցերեկը շատ

1 Ընդգծումը Գ. Սունդուկյանինն է. —Մ. ԽԱՐ.

2 Ընդգծումը Գ. Սունդուկյանինն է. —Մ. ԽԱՐ.

3 հիմնաքաղաքաբանություն (չխրկեցի) = պատր բարակ միայտե ճաղով փորվել, որ փոխաբերական իմաստով սովորաբար նշանակում է՝ «պարապ մախտի խաղալիք», այսինքն, դրականությամբ դրադիլ, բայց այստեղ, մեր կարծիքով, այդ իմաստը չունի. պետք է իր բովանդակությամբ մոտ լինի երկրաչափությանը: Անշուշտ պատահական չէ, որ հետադառնում Գ. Սունդուկյանը, Գերբենդում պաշտոնավարելիս, դրադիլ է նաև ճարտարապետական գործերով:

4 Ոչ միայն չորս ճուղղով, այլև չորս գծով—նախ դրում է վերջին (4-րդ) էջի կեսին, ապա տողի վերևից գծով շարունակում է 1-ին էջի եզրին, որտեղից անցնում է վերջին էջի վերին եզրին, տեքստին հակառակ ուղղությամբ. հետո (4-րդ գլուխ) շարունակում է 1-ին էջի ցածր եզրին:

է երկարել, այնպես որ արևը ելնում է առավոտվա ժամը 4-ին և մայր է մտնում երեկոյան ժամը 8-ին, բայց նեվայի վրա սառույցը դեռ անշարժ կանգնած է: Այժմ ցտեսություն, մայրիկ ջան, մի վիզդ տուր, որ ամուր համբուրեմ. Միքայել և Հովսիսիմե ջան, դուք կատարեք իմ փոխարեն:

Ձեր Գաբրիել Սունդուկյան

Մակագրություններ.— Այս նամակը լավ երկու-երեք անգամ կարդացե՛ք, և իմացե՛ք թե ինձ համար ի՞նչն է անհրաժեշտ¹

Պատասխանը շուտ գրեք²

Իմ ընկերները շնորհակալություն են հայտնում բարեկու և զատիկը շնորհավորելու համար և սիրով բարևում են ձեզ. նույնպես և Ղազոյին և Միխակին³

Գ.

Պետերբուրգ, 1847 թվի նոյեմբերի 28-ին, № 46

Սիրելի մայրիկ ջան.

Նախ ընդունեք սիրով՝ վիզդ ու կուրծքդ համբուրելով բարեններս, ինչպես և իմ սիրելի Միքայելին ու Հովսիսիմեին աչքերը համբուրելով բարեններ եմ ուղարկում: Մայրիկ ջան, ստացա ձեր այս ամսվա 10-ի նամակը և տաս ուրբին: Մայրիկ ջան, և՛ փող եք ուղարկում, և՛ գրում եք, թե՛ այս ու այն կարիքն ունեք ու ետ չմտածեմ. ա՛խ, մայրիկ ջան, մի ասեք թե մտածելով ի՞նչ կօգնեմ. իմ օգնությունն այն կլինի, որ այս երկու և կես տարում դասընթացը ավարտեմ ու գամ: Մայրիկ ջան, ես լավ եմ հասկանում ձեր վիճակը. ես գիտեմ, որ դուք շատ բան եք պակասեցնում ձեզ, իսկ ինձ ոչինչ չեք խնայում. ես գիտեմ... բայց ի՞նչ անեմ, մայրիկ ջան, ինչպես էլ լինի, այս երկու և կես տարին յուր տարեք և աստված ողորմած է. հույս ունեմ աստծուց, որ դուք կսուսեք, թե՛ փառք աստծու, իմ խնամքը Գաբրիելի նկատմամբ չկորավ: Միքայելն էլ լավ մարդ դուրս կգա. իմացեք, որ ով իր գործին ուշադիր է, նրան աստված չի կորցնի: Փառք աստծու, որ այն փորձանքից այնպես ազատվել է: Նզովված Միրզոլը⁴ չի՞ ամաշում, որ ստիպում է այդպիսի գործեր կատարել. միթե՞ Միքայելի հետ էլ այնպես պետք է վարվի, ինչպես Երիշներին. աստծու ամոթա՛նքը՝ նրան, աստծու ամոթա՛նքը... ահա, մայրիկ ջան, այդ են մեր հայերը. ու՛խ, սիրտս շատ բանով է լիքը, բայց ում ի՞նչ ճար կանեմ. ժամանակը ամենից լավ դեղն է, գուցե թե մի օր էլ գա այն ժամանակը, երբ այդտեղի ժողովուրդը ժողովրդի անուն ստանա, թե չէ դրանք մարդի՛կ են. միայն անունն ունեն մարդու, իսկ սիրտն ու միտքը վագրի է և ոչ թե մարդու. օրինակ. ո՛ր մեկը դուրս կգա այդտեղի հաստափորներից, որ տեսնի ուրիշին կարիքի մեջ ու օգնի. իսկույն կասի՝ «տո, նա իմ բիձա չէ ու բիձու վուրբի, ես ի՞նչ բան ունիմ»: Միթե՞ ավետարանը այս է սովորեցնում. է՛հ, մայրիկ ջան, ի՞նչ գրեմ, տաս թաթախ թուղթն էլ հերիք չէ ինձ, կամ ինձ ո՞վ կլսի, կասեն՝ «խիլֆեն էլիլ է»: Նորից եմ ասում. գուցե ժամանակը ուղղի⁵

Մայրիկ ջան, երեկ Ռեյի մոտ էի թեյի, շատ խնդրեց, որ այդտեղի ղանաուզի⁶ և մովի՞ նմուշներ ձեզ հանձնարարեմ և այդ պատճառով էլ, մայրիկ ջան, խնդրում եմ, որ մի բանի ղանաուզի և մովի նմուշներ ուղարկեք հենց այս նամակի: պատասխանում. ոչ շատ պայծառ գույնի, ոչ էլ՝ շատ մուգ, մանր վանդակավոր և նեղ գծավոր. ինքը Ռեյն ասաց, որ սրանք գտնվում են Ղալամբարովի ու Ղուբալովի խանութներում. գինն էլ ճիշտ ու մանրամասն կգրեք, ինքը թեև ասաց, որ արշինը հիսուն կոպեկով է գնել: Եթե Ղալամբարովին ասեք նրա անունը,

¹ Նամակի առաջին էջի վերևում՝ կենտրոնում:

² Առաջին էջի վերին եզրին:

³ Երկրորդ և երրորդ էջերի ցածի եզրերին:

⁴ Թրիլիսիի հայտնի հարուստներից, որի մոտ աչակերտ է եղել Գ. Սունդուկյանի եղբայրը՝ Միքայելը:

⁵ Այս և հաջորդ պարբերությունների միջև Գ. Սունդուկյանը հորիզոնական գիծով բաժնի է մի մեծ ու հաստ գիծ:

⁶ Մետաքս գործվածք, կանացի հագուստեղենի համար:

⁷ Մետաքս գործվածք, շապիկների համար:

նա [Ղալամբարովը] գիտի, թե ինքը [Ռեյը] ինչ գույն է սիրում: Հօգուտ մատաղ, մայրիկ ջան. կատարեցեք այս խնդիրը, որ այդ մարդու մոտ շամաշեմ. աշխարհը մեկը մյուսով է. ո՞վ գիտե, ինչպես պետք կգա այդտեղ.....¹ տեղ ունեւ, իսկ այստեղ ավելի մեծ պաշտոն ունի. ինքը թագավորին երես առ երես ճանաչում է: Դուք փող չեք ծախսի, նմուշները կուղարկեք, փող կտա և կուղարկեմ ձեզ. շատ լավ մարդ է, իմ արեւ, այնպես է հետս վարվում, որ ավելի լավ չի կարող լինել. երեկ ստաց, թե՛ «մյուս կիրակի նամակ կգրեմ համալսարան ու ճաշին եկ ինձ մոտ»։ Ես էլ Միքայելին խնդրում եմ, որ նրա և իմ փոխարեն տիկին Լարիելին բարևի: Մայրիկ ջան, սիրով բարեկեր պապին, տեւ Օհաննեսին, մորաքրոջը, Յագորին, Ղադոյին, Միկոյին, Թովկային, Գիորգուն, Թինային, հորաքրոջանց Յովանին, Մելքո Ստեփանիչին և բոլոր մյուսներին: Ողորմած լինի Քնիթի սուրբ Գևորգը և Միրանաուրի աստվածածինը, նրանց զորութունը լինի ձեզ հովանավոր: Ես էլ շնորհակալութուն եմ հայտնում, որ ծնունդս շնորհավորում եք, ցտեսութուն, մայրիկ ջան, Միքայել ջան, ու Հռիփսիմե ջան, մինչև երկրորդ փոստը:

Ձեր խոնարհ Գաբրիել

Մակագրություն.— Բարևում են ընկերներս²

Ե.

Պետերբուրգ, 1850 թվի հունիսի 16-ին.

Իմ եղբի ու միտք
մայրիկ ջան,

Այսօր ես ձեզ նամակ գրել չէի ուզում, որովհետև պետք է դիտարկեի հանձնեմ, բայց, մայրիկ ջան, ինչ որ այսօր վատ տրամադրություն եմ և դրա համար էլ ցանկացա ձեզ հետ մի երկու ժամ խոսելու Իրոք որ, մայրիկ ջան, հոգեկան այսպիսի վիճակում ես ուրիշ երջանկություն չունեմ, բացի այն, որ իմ ժամանակը ձեզ նվիրեմ:

Մայրիկ ջան, միայն այսօր չէ, որ այս տրամադրություն եմ. հենց որ քննությունները վերջացրի, մի տեսակ թուլացա, ինքս իմ աչքում դարձա ոչնչություն: Ես կարծում էի, եթե համալսարանի դասընթացը ավարտեմ, չափազանց ուրախ կլինեմ, բայց այժմ բնավ ուրախ չեմ. մայրիկ ջան, ինչու է մարդու աչքը անկուշտ. հիշում եմ, մայրիկ ջան, այն ժամանակը, երբ (հենց որ գիմնազիայում լավ սովորել սկսեցի) անկողնում մեջքիս վրա պառկում էի ու գրլխիս վերևի պատուհանի դուռը ձեռքիս խաղացնում ու մտածում թե՛ «Ա՛խ, այն ի՞նչ օր կլինի, որ գիմնազիայի դասընթացը պատվանդիչով ավարտեմ»: Հասա այդ օրվան. աչքս ագահացավ. համալսարանի տեսա, ասացի՝ «Այն ի՞նչ օր կլինի որպես իսկական ուսանող գոնե համալսարանի ավարտեմ»: Եկա համալսարան, հասա 3-րդ կուրս, այնտեղ նկատեցի իմ կարողությունը, մտածեցի՝ ավելին կարող եմ ու սկսեցի կանդիդատության ձգտումով սովորելու Այժմ, մայրիկ ջան, սրան էլ հասա. իմ սրտի այսքան ժամանակ փայփայած տենչանքս բոլորովին մոռացա, բոլորովին մարեց: Ինձ թվում է, թե երբեք սրտով որևէ բան չեմ ցանկացել. ասում եմ՝ թեկնածություն ի՞նչ է, չէ՞ որ բոլորն էլ թեկնածու են դառնում և, ուրեմն, ինձ համար առանձին մի անուն չէ թե Սունդուկովը թեկնածու է: Հետևյալ կերպ էի մտածում, թե Մինամ-ժղվարովը հո այստեղ է մնում. ես էլ կմնամ, ընկեր կունենամ և մեկ տարում մագիստրոսություն համար քննություն կտամ. իսկ այս մտքի վրա, մայրիկ ջան, գող է անցնում մարմնովս, ինչպես անցյալ տարի, կամ՝ էլ ի՞նչ անցյալ տարի, ինչպես չորս ամիս առաջ ցնցվում էի թեկնածուականի համար: Հիմա մտածում եմ՝ այն ի՞նչ օր կլինի, որ մագիստրոսության քննությունը հանձնեմ համալսարանի դահլիճում երկու հազար մարդու ներկայությամբ, որոնք միայն իմ պատճառով պիտի դան թե՛ այսօր մի թեկնածու պետք է մագիստրոսական դիտարկեի պաշտպանի. այս 2000 մարդու առջև, մտածում եմ, պետք է հայտնեն թե՛ այս և այս Սունդուկովը, այսինչ ժամանակ Ջորպետի մոտ է սովորել, այս ինչ ժամանակ գիմնազիայից պետական ծախսով առաջին թեկնածության համար է ուղարկվել, այսինչ ժամանակ համալսարանում հաջող ավարտել է թեկնածուական դասընթացը. այս տարի ամբողջ համալսարանի պրոֆեսորների մոտ մագիստրոսության քննություն է հանձնել և այժմ պաշտպանելու է դիտար-

¹ Բառն անհասկանալի է, պարզ չէ, թե ի՞նչ պաշտոնի մասին է խոսքը:

² Նամակի առաջին էջի ցածի եզրին:

տացիան: Հետո ես բարձրանամ ամբիոն և այնքան ծանոթ ու անծանոթ գիտաշենքերին պատասխան գտնեմ, իսկ հետո հոգաբարձուն վերկենա ու ասի՝ դժգոհեցիք, պարոն Սունդուկով, շնորհավորում եմ մագիստրոսությունդ...» ահա, մայրիկ ջան, բեզ անուն... այն ժամանակ կասեն. ամբողջ Վրաստանից առաջին հայն էր, որ մագիստրական բնությունը հանձնեց: Մյուս կողմից էլ մտածում էի. կգնամ հիմա, ո՞վ գիտե, ի՞նչ պաշտոն կտան կամ ի՞նչ հարգանք կունենամ, մինչև... իսկ եթե որպես մագիստրոս գնամ, կասեն՝ սա կրթված մարդ է, սրան այսինչ լավ պաշտոնը տանք, որովհետև այստեղ մագիստրոսներ չունենք: Մեկ էլ այն, որ մտածում էի, գամ, հանկարծ կուղարկեն Շամախի կամ այդտեղ պետական պաշտոնատանը որևէ տեղ կնրստեցնեն: Իսկ եթե այստեղ մնամ, մի կողմից կոմիտեներ տեղ կլինի, մյուս կողմից՝ համալսարանի պրոֆեսորները արդեն լավ են ճանաչում ինձ, մի խոսքով, այստեղ ավելի շատ հարգանք կունենամ, քան Թրիխիում: Եվ կամ ի՞նչ բան է մի տարին. իբր թե մի կուրսում երկու տարի մնացել եմ. դրա փոխարեն հինգ տարում մագիստրոս դարձած [կգամ] և ոչ թե թեկնածու կամ ուսանող. աստված այս շնորհքը տվել է, ինչու չօգտագործեմ: Իսկապես, մայրիկ ջան, մագիստրոսությունը ամեն մարդու գործ չէ, իսկ ինձ ֆրանսերեն իմանալը շատ է օգնում, որովհետև մագիստրոսության գիտելիքները դեռ ուսական գրքերում չկան:

Մայրիկ ջան, այսպես շարեցի իմ մտքերը և այս ձևով կառուցեցի դալիբը, ինչպես երեսնանյալ խաղաթղթերից տուն կկառուցի: Բայց, մայրիկ ջան, մարդու մոտ ուղեղի մտորումներին հաջորդում է սրտի ցանկությունը. և երբ սրտում հարց եմ տալիս՝ հապա մա յրս... վայրկենաբար մարում են բոլոր խոհերս, ինչպես ամենաթեթև քամին կբանդի խաղաթղթի կառուցվածքը. ձեր անունը, մայրիկ ջան, այնպես է բուժում հիվանդ ուղեղս, ինչպես ուշագնացին՝ սառը ջուրը, ինչպես հարթած մարդը կզգաստանա քաղցր քնից հետո: Էլի աստված ողորմած է, մայրիկ ջան, հիմա ձեր կրթին փարվելուց բացի, ոչինչ չեմ ցանկանում: Ֆրանսերենի քրնությունն էլ հանձնեցի, ինչպես գրել եմ, և նրանից էլ հինգ ստացա: Այժմ, բացի դիսերտացիայից, համալսարանում ուրիշ գործ չունեմ, մի շաբաթում կվերջացնեմ. այստեղ համալսարանի, Կովկասյան Կոմիտեի և Պետական Բանկի միջև զրազրությունների համար շատ ժամանակ է անցնում, թե չէ ձեր արևը [վկա], մայրիկ ջան, հենց այսօր էլ ցանկանում եմ ճանապարհին լինել. երեկ Բուսկովին տեսա ամառանոցում և խնդրեցի, որ շուտ ուղարկեն ինձ, ասաց, որ ինչ բոլորի համալսարանը դրի, ինքը կաշխատի ուղարկել: Այս ընթացքում, մայրիկ ջան, ես գիտեմ, ինչքան էլ շուտ ուղևորվեմ, մի ամսից շուտ չեմ կարող դուրս գալ: Իսկ Սոդոմոնը ինչ խորհուրդ է տվել ձեզ, թե ինձ փող պետք չէ. մայրիկ ջան, ինչպե՞ս պետք չէ. այստեղի փողը միայն հագուստի ու ճանապարհի համար պետք կգա. բացի դրանից, հարյուրհիսուն ուրլու անհրաժեշտ գրքեր պետք է բերեմ և մի քիչ էլ պարտք ունեմ. այն պարտքը, որ ձեզ գրել եմ: Զատկին երեսուն ուրլի...¹

Մակագրություն.— Մայրիկ ջան, այս Սոդոմոն Զավրիևին կարդացնել կտաք:²

Սիրելի իմ Սոդոմոն. վերջապես դու էլ հիշեցիր ինձ, բայց միթե՞ երբևէ մոռացել էիր. ճաշտն ասած, ես դրան չեմ կարող հավատալ: Շնորհակալ եմ քեզանից. շնորհակալ եմ, իմ Սոդոմոն, քո նամակի համար: Դու չգիտես, թե ինչ բարիք արեցիր ինձ. քո բառերը՝ «միթե» քեզ ցանկալի չէ տեսնել քո մոտ, ինձ» թե ինչ ազդեցություն թողեցին իմ հուզված հոգու վրա, չեմ կարող արտահայտել: Միտք, սիրտ— սրանք վերջերս իմ մեջ երկու հակառակորդներ են, որոնք հերթով հաղթանակում են ու այդպիսով ծվատում են ինձ: Ես նամակիս երկրորդ էջումն էի, երբ ստացա քո նամակը. գուցե թե մորս ուղղած նամակը այսպես չվերջացնեի, թեև ես երեկ արդեն կարծես թե որոշեցի անպաման գալ, բայց ինչպես արդեն ասացի, դու ուղարկեցիր ինձ բուժիչ բալասան: Իրոք, ես համարյա թե հիվանդ էի, բայց այժմ վճռված է. երկու ամսից հետո ես համբուրում եմ քեզ. կարդա մորս հասցեագրված իմ նամակը, եթե համբերությունդ կբավի և հասկացիր ինձ, Քրիստաֆորին կգրեմ վաղը. քո Գաբրիել:

(Մայրիկ ջան, համոզված եղեք, որ երկու ամսից հետո այդտեղ եմ):³

¹ Նամակը թերի է:

² Շարունակությունը ուղղված է Ընկերոջը՝ Սոդոմոնին, ուսանողին լեզվով, նստակի մի քանի էջերի եզրերին:

³ Նամակի առաջին էջի վերջում «Իմ հոգի ու միտք մայրիկ ջան» տողի տակ: